



Gweddïau ar gyfer y Coronafirws

Nid yw cariad yn darfod byth

Hyd yn oed yn yr adegau mwyaf tywyll, mae cariad yn rhoi gobaith.

Mae cariad yn ein cymell i frwydro yn erbyn Coronafirws ar y cyd gyda'n brodyr a'n chwiorydd ar hyd a lled y byd.

Mae cariad yn ein cymell i sefyll mewn gweddi gyda'n cymdogion yn agos a phell.

Mae cariad yn ein cymell i roi ac i weithredu fel un.

Mae'n gwbl glir bod ein dyfodol ynghlwm yn dynnach a'n gilydd nag erioed

Wrth i ni weddio yn ein cartrefi unigol - ar draws y wlad ac ar hyd a lled y byd - yr ydym yn cael ein huno'n un teulu. Felly, gadewch i ni oedi, a chanfod moment o dawelwch wrth i ni godi'n calonnau mewn gweddi.

Dywedwch y gweddïau hyn yn uchel neu'n dawel, ar eich pen eich hun neu gydag eraill ar lein.

Gweddïau o ddiolchgarwch ac eiriolaeth

Am weithwyr iechyd sy'n gofalu am y difrifol sâl

am wyddonwyr sy'n gweithio ar frechiad

am yr ymchwilyr sy'n dadansoddi data a chanfod tueddiadau

am y cyfryngau sy'n cyfathrebu'r realiti

am weithwyr archfarchnadoedd, hylendid a glanweithdra

am straeon newydd da am adferiadau a chynllunio effeithiol

am ganu o falconïau gan gymunedau sy wedi eu cau i mewn

am ddealltwriaeth nad yw ynysu'n gorfod golygu unigrwydd

am nodiadau drwy flychau llythyrau yn cynnig help a chefnogaeth

am y rhyngrwyd a theliffon a thechnoleg sy'n cysylltu

am gael ein deffro i sylweddoli be sy'n cyfrif go iawn

Diolch a fo i Dduw.

Dros y rhai sy'n sâl ac yn pryderu am anwyliaid

dros y rhai oedd eisoes yn bryderus iawn
dros y rhai sy'n wan eu himiwnedd
dros y bregus oherwydd cyflwr blaenorol
dros y rhai sy yng nghatgoriau 'mwyaf bregus i Goronafirws'
dros y rhai sy'n gweld eu hincwm yn diflannu
dros y rhai heb ddewis ond mynd allan i weithio
dros y rhai sy ofn bod adref
dros y rhai sy'n fwy unig nag erioed
dros y rhai sy mewn colled ac yn galaru.
Dduw, bydd yn iachawdwr iddynt, yn gysur a diogelwch,
yn gryfder, yn darian a chynhaliwr
yn sicrwydd a chyfaill agos

A choda dy Eglwys

i fod yn ddwylo wedi eu golchi'n lân a thraed ffyddlon i ti,
i fod yn bresennol i'r boen,
i ymateb gyda chariad gweithredol
hyd yn oed wrth gadw pellter diogel.

Dduw, yn dy drugaredd,
Gwrando ein gweddi.

'Peidiwch ag ofni'

Ai geiriau cerydd oeddynt
ta geiriau cysur, Arglwydd?
oherwydd pobl ofnus ydym
yn ogystal â phobl ffydd
ac rydym angen clywed, dro ar ôl tro
drwy storïau, angylion, proffwydi a
geiriau dy Fab –

'Peidiwch ag ofni.'

Geiriau i dawelu a nerthu
meddyliau a chalonnau pryderus
wedi eu dal mewn storm annisgwyl
yn cael eu curo'n sydyn gan ansicrwydd
ac yn ofni dy fod di'n cysgu'n drwm
Helpa ni i glywed Dy eiriau
uwchlaw'r storm -

'Peidiwch ag ofni'.

Geiriau gobaith ac addewid
beth bynnag y diagnosis
i'r rhai sy'n crwydro'r anialwch
sy'n gwybod nad yw'r Grawys yn para am byth
sy'n ddewr a gonest
sy'n gadael i'r craciau ddangos ac sy'n cyfaddef
O Arglwydd, rydym eisiau clywed dy eiriau
yn awr yn fwy nag erioed -

'Peidiwch ag ofni'

Peidiwch â gadael i ddim gynhyrfu'ch calon'
'Prun ohonoch all ychwanegu un funud at ei oes trwy bryderu ...
... peidiwch felly a phryderu am yfory
oherwydd bydd gan yfory ei bryder ei hun
digon i'r diwrnod ei drafferth ei hun.'

Felly, helpa ni, Arglwydd,

Amen

Gweddïau ar gyfer y Coronafirws (2)

Gweddi mewn cyfnod o hunan ynysu

'Dw i'n hollol sicr fod dim byd yn gallu'n gwahanu ni oddi wrth ei gariad e. Dydy marwolaeth ddim yn gallu, na'r un profiad gawn ni mewn bywyd chwaith. Dydy angylion ddim yn gallu, na phwerau ysbrydol drwg ... Na, does dim yn y bydysawd yma greodd Duw yn gallu'n gwahanu ni oddi wrth gariad Duw yn ein Harglwydd ni, y Meseia Iesu!' (Rhufeiniaid 8:38-39)

Dduw'r nefoedd a'r ddaear,
ar yr adeg hon o hunan ynysu,
ar wahân i'n ceraint
yn bell oddi wrth ffrindiau
i ffwrdd o gymdogion,
diolch nad oes dim
yn yr holl greadigaeth,
ddim hyd yn oed y Coronafirws,
sy'n gallu ein gwahanu ni oddi wrth dy gariad di.

A bydded i'th gariad diddarfod di
barhau i gael ei rannu
trwy garedigrwydd dieithriaid
yn gofalu am ei gilydd,
a chymdogion ymhell ac agos,
a phawb yn cydnabod eu breuder,
pob un ohonom yn ddiolchgar am bob anadl,
ac yn fodlon i bawb arall hefyd
dderbyn rhodd bywyd llawn ac iach.
Cadw ni yn d'ofal.
Amen.

Gweddi dros weithwyr iechyd ym mhobman

Dduw adferiad ac iachâd,
diolch am weithwyr iechyd ym mhobman,

sy'n caru'n aberthol yn y dyddiau heriol hyn
gan roi lles eraill o flaen eu lles eu hunain
yn cadw draw oddi wrth deulu a ffrindiau
yn cysuro'r gofidus a'r galarus
yn calonogi'r pryderus a'r bregus
yn gweithio i iachau ac adfer pobl sâl.
Bydd yn dywysydd, yn gryfder, doethineb a gobaith iddynt.

Gweddïwn y bydd rhai mewn awdurdod yn eu gwarchod
gan gyflenwi'r offer diogel sydd ei angen arnynt
ac i'w hymroddiad gael ei gydnabod gyda diolch dwfn
wrth iddynt ddychwelyd adref yn lluddedig.

A gweddïwn dros weithwyr iechyd dros y byd,
sydd â'u hoffer diogelwch
bob amser yn brin, ac nid nawr yn unig.
Bydded i'r dyddiau rhyfeddol hyn
ein harwain i ddealltwriaeth o'r newid sydd ei angen yn ein byd,
newid fydd yn sicrhau ymdrech go iawn i fynd i'r afael
ag anghyfiawnder sy'n golygu y penderfynir disgwyliad oes
gan ddaearyddiaeth,
a'n bod i gyd yn perthyn i'r un byd
ac yn gweithio tuag at yr un nod.
Amen.

Gweddi cyn tawelwch

Dduw cariadus,
ceisiwn dy bresenoldeb
yn y tawelwch y tu hwnt i eiriau
yn edrych tuag atat am gysur,
nerth, diogelwch a chalonogaeth,

yn anadlu diolchgarwch
yn dal gafael mewn gobaith
yn ymddiried gyda ffydd
mai ti sy Dduw o hyd
yng nghanol yr holl helbul,
y bydd dy gariad yn cyrraedd
hyd eithaf y ddaear.
Bydd gyda ni nawr.
(Tawelwch)
Amen.

Gweddi yn y pandemig

'Mae cariad bob amser yn amddiffyn; mae bob amser yn credu; bob amser yn gobeithio; bob amser yn dal ati. Fydd cariad byth yn darfod.' (1 Corinthiaid 13:7-8)

Dduw cariadus,
cryfhau ein bod
gyda'r cariad sy'n cynnal popeth
hyd yn oed pwysau'r pandemig hwn
hyd yn oed y chwilio manwl am symptomau
a'r disgwyl hir iddynt fynd heibio,
yn gwyllo a disgwyl,
gan gadw'n llygaid arnat ti,
a gofalu am ein cymdogion
ymhell ac agos.

Gosod yn ein henaid brau
y gred a'r gobaith fod popeth
yn bosibl gyda dy gariad creadigol
y gall dieithriaid ddod yn ffrindiau
y gallu gwyddoniaeth ganfod yr atebion
y gall adnoddau gael eu rhannu'n deg

fel bod pawb, ym mhobman, yn cael yr hyn sydd ei angen,
a bod dy gariad, na wŷyr ddim am ffiniau,
yn bwrw allan pob ofn a hunanoldeb sy'n rhannu.

Bydded i'th gariad sy byth yn darfod
ein cysuro, ein nerthu a'n harwain
er lles pawb ac er
gogoniant i Dduw.
Amen.

Gweddi dros yr eglwys

Bydded i'th gariad nad yw'n darfod
gryfhau'r gwan
annog yr ofnus
tawelu'r pryderus
iachau'r sâl
trwy dy eglwys –
dy ddwylo, wedi eu golchi'n lân,
a'th draed ar y ddaear –
yn bell ond dal yn bresennol
yn rhithiol ond mewn cysylltiad
ar wahân ond yn dal i helpu.
Dduw yn dy drugaredd,
gwrando ein gweddi.
Amen.

Y weddi y dysgodd Iesu inni

Ein Tad,
yr hwn wyt yn y nefoedd
Deled dy deyrnas, gwneled dy ewyllys,

megis yn y nef, felly ar y ddaear hefyd.

Dyro inni heddiw ein bara beunyddiol.

Maddau inni ein dyledion

fel y maddeuwn ninnau i'n dyledwyr.

Ac nac arwain ni i brofedigaeth

eithr gwared ni rhag y drwg.

Canys eiddot ti yw'r deyrnas,

a'r nerth, a'r gogoniant,

yn awr ac yn oes oesoedd.

Amen.